


Godišnji izvještaj za 2022. godinu



Općina Stari Grad
Sarajevo



UVOD

Općina Stari Grad Sarajevo iz godine u godinu potvrđuje svoj status lokalne zajednice u kojoj je briga za građane kroz ostvarivanje što boljih uslova života na prvom mjestu. I u 2022. godini nastavljena je realizacija brojnih infrastrukturnih projekata, a istovremeno i projekata iz oblasti privrede, turizma, socijalnih davanja, obrazovanja i kulture.

Kroz prezentaciju koja je pred Vama predstavljene su projekti i investicije iz 2022. godine vrijedni više od 8.500.000 KM, a koje je Općina Stari Grad Sarajevo realizovala samostalno ili u saradnji sa partnerima i donatorima.

Samo u rekonstrukcije komunalne infrastrukture i sanaciju saobraćajnica u 2022. godini uloženo je 5,7 miliona KM.


Dva najveća projekta iz 2022. godine su izgradnja Socijalne zgrade za smještaj sedam socijalno ugroženih porodica koja je počela u aprilu 2022. godine, te rekonstrukcija Trga oslobođenja-Alija Izetbegović.

U 2023. godini Općina Stari Grad Sarajevo nastavlja putem razvoja i napretka, te planira realizaciju brojnih projekata od koji je svakako najveći početak izgradnje novih Bazena Bentbaša za što su već pokrenute intenzivne aktivnosti.

Osim toga, u narednoj godini poduzet će se koraci na izradi idejnog rješenja i pokretanju projekta izgradnje još jedne podzemne garaže, i to na Trgu Austrije. Pogledajte prezentaciju.

Na početku 2023. godine sumiramo poslovne rezultate godine koja je iza nas i krećemo u realizaciju preostalih projekata iz četverogodišnjeg Plana rada Općinskog načelnika mr. Ibrahima Hadžibajrića.

Imajući u vidu izuzetno teško ekonomsku situaciju, kako kod nas, tako i širom svijeta, fokus djelovanja i u 2022. godini bio je na podršci i pomoći građanima, posebno socijalno ugroženim kategorijama. Stoga je naš najveći projekat započet u 2022. godini izgradnja Socijalne zgrade za stambeno zbrinjavanje 7 porodica.




Socijalna zgrada u ulici Čadordžina - Projekat vrijedan 1.000.000 KM

U ulici Čadordžina, u aprilu 2022. godine, počela je izgradnja četvrte Socijalne zgrade u kojoj će biti zbrinuto sedam porodica. Objekat se gradi u saradnji sa Fondacijom Hemias, humaniste Hajriza Brčvaka koji za ovaj projekat donira million konvertibilnih maraka, dok Općina Stari Grad osigurava zemljište i administrativne dozvole. Kamen-temeljac za izgradnju zgrade postavljen je 20. aprila 2022. godine. Socijalna zgrada u ulici Čadordžina će imati suteren, prizemlje, sprat i potkrovlje, svi stanovi bit će dvosobni, a gradnja bi trebala trajati 18 mjeseci. Zgrada će se nalaziti u neposrednoj blizini još jedne socijalne zgrade koja je u ovoj ulici sagrađena 2015. godine i u kojoj živi sedam porodica.





Općina Stari Grad
Sarajevo





Sanacija stambenih jedinica za 35 socijalno ugroženih porodice

Kroz projekat sanacije stambenih jedinica građanima koji su u stanju socijalne potrebe u toku 2022. godine u Starom Gradu su sanirane kuće za 35 porodica, a za te namjene utrošeno je 215.000 KM. Porodice koje nisu u mogućnosti da same obnove svoje objekte dobile su pomoć Općine Stari Grad Sarajevo u utopljavanju objekata, zamjeni stolarije, sanaciji prostorija, krovnih konstrukcija i nabavci građevinskog materijala. Ovo je dugogodišnji projekat u programu rada općinskog načelnika, a s ciljem pomoći najugroženijim kategorijama i obezbjeđivanja osnovnih životnih uslova. Općinski načelnik je krajem 2022. godine postigao dogovor sa Ligom humanista muslimanskog svijeta da se od 2023. godine i oni uključe u projekat i saniraju kuće porodicama u Starom Gradu.



Izgrađena kuća za socijalno ugroženu porodicu Nermina Kičine iz Tešnja

Nermin Kičina iz Tešnja obratio se za pomoć općinskom načelniku Ibrahimu Hadžibajriću početkom 2022. godine i iznio mu svoju tešku životnu priču. Nermin, njegova bolesna supruga Esada i trogodišnja kćerka Nermina koja ima poteškoće u razvoju nisu imali krov nad glavom i živjeli su kao podstanari u neuslovnoj kući, plaćajući stanarinu i živeći od 20 KM dječijeg doplatka mjesečno. Prijetio im je izlazak na ulicu i još teži život kada se u ovu priču, po nalogu općinskog načelnika, uključila sekretarka organa državne službe mr. Alma Destanović i stupila u kontakt sa NHU Oslonac. Zajedno sa ovom nevladinom organizacijom, porodici Kičina sagrađena je porodična kuća za koju je Općina Stari Grad izdvojila 20.000 KM. Ključeve novog doma porodici Kičina uručio je načelnik Hadžibajrić 23. septembra, 2022. godine.





Načelnik osigurao u budžetu za milion KM više sredstava za stipendije, jednokratne pomoći i liječenja

Stipendije za učenike i studente uvećane za 75%

Ulaganje u obrazovanje je ulaganje u budućnost, a jedini način da mlade ljude zadržimo u našoj zemlji jeste da im omogućimo obrazovanje i egzistenciju. Da bi im proces obrazovanja olakšao, posebno imajući u vidu porast životnih troškova općinski načelnik mr. Ibrahim Hadžibajrić odlučio je u planu budžeta za 2023. godinu planirati znatno viša sredstva za stipendije. Za studente iz Starog Grada u školskoj 2022/23. godini mjesečna stipendija iznosi 200 KM, a za učenike srednjih škola 150 KM. Imajući u vidu sve manji broj učenika starih zanata, ali i deficitarnih zanimanja za koje postoji sve veća potražnja, načelnik Hadžibajrić odlučio je da se i ove stipendije za učenike povećaju na iznos od 200 KM u nadi da će se učenici dodatno stimulisati za ove vrste poslova. Provedeni su javni pozivi u skladu sa ovim izmjenama i objavljene preliminarne liste stipendista, a kompletan postupak i isplate bit će brzo završeni.



Općina Stari Grad
Sarajevo




Uvedena mjesečna naknada za djecu sa hroničnim oboljenjima

S ciljem pomoći najugroženijim kategorijama, općinski načelnik prepoznao je potrebu da se ubuduće posebna pažnja posveti djeci sa hroničnim oboljenjima kao što su karcinom, šećerne bolesti, leukemija, celijakija, epilepsija i drugo. Porodice sa djecom sa hroničnim oboljenjima imaju velike godišnje izdatke, te će se u Općini Stari Grad od 2023. godine uvesti praksa da ove porodice primaju mjesečnu naknadu u iznosu od 150 KM čime će im se barem malo olakšati i pomoći da se lakše nose sa životnim nedaćama. U budžetu za 2023. godinu je za ove namjene planiran iznos od 180.000 KM na osnovu podataka o broju bolesne djece, a sredstva će se uvećavati ili umanjivati u skladu sa potrebama i zahtjevima koje roditelji budu podnosili.



Općina Stari Grad
Sarajevo




Povećan iznos sredstava za liječenje

U našoj zemlji, nažalost, ne postoji sistemsko rješenje za osobe u stanju potrebe koje bi im omogućilo egzistenciju kroz vlastiti rad i zapošljavanje, jednako kao što ne postoji ni uređen sistem zdravstvene zaštite koji bi građanima omogućio da im je svaka vrsta liječenja, lijekova i pomagala, besplatna. Imajući to u vidu, Općina Stari Grad Sarajevo maksimalno je opredijeljena da pomaže građanima jer pomoć nadležnih institucija, uglavnom izostaje. Od 2023. godine građani Starog Grada će za liječenje u BiH moći dobiti jednokratnu pomoć Općine u iznosu od 1.200 KM, a za liječenje van granica BiH 1.600 KM.



Općina Stari Grad
Sarajevo



Uvećane jednokratne finansijske pomoći na 800 KM godišnje


Jednokratna finansijska pomoć licima u stanju potrebe u Starom Gradu od 2023. godine iznosi 800 KM u toku jedne kalendarske godine. Zahtjevi će se podnosti na početku godine i sredstva će se isplaćivati odmah po obradi zahtjeva i utvrđivanju opravdanosti.

Obezbjeđen ogrjev - drva za 212 porodica

Zbog izuzetno teške ekonomske situacije i sve većeg broja lica u stanju potrebe, općinski načelnik donio je odluku da se socijalno ugroženim porodicama u Starom Gradu ove zime omogući nabavka po 6 metara drva za ogrjev. Pomoć za nabavku ogrjeva dobilo je 212 porodica koje su predale zahtjeve, a Služba za boračko-invalidsku i socijalnu zaštitu izvršila je terenski obilazak i utvrdila stvarno stanje svake od ovih porodica prije odobravanja sredstava, a sve kako bi pomoć otišla na prave adrese. Za ove namjene iz budžeta je izdvojeno 170.260 KM.



Općina Stari Grad
Sarajevo




Sufinansirano opremanje Doma za majke Srebrenice

Majke Srebrenice koje su ostale same, bez muževa i sinova i žive u selima udaljenim kilometrima od Srebrenice, Potočara, Bratunca bez igdje ikoga, od 2022.godine imaju mjesto na kojem mogu prezimiti ili trajno boraviti i gdje im je osigurano sve što im treba za život.

Dom za majke Srebrenice koji zvanično nosi naziv Centar za starija lica „Hatidža Mehmedović“ i koji su sagradili Međunarodni forum solidarnosti Emmaus i Organizacija Proplan iz Nizozemske, svečano je otvoren u oktobru, 2022.godine. Za pomoć u opremanju Doma iz budžeta Općine Stari Grad izdvojeno je 35.000 KM koje su utrošene za opremanje Upravne zgrade i gerijatrije. Načelniku Hadžibajriću za ovu podršku je uručena specijalna zahvalnica.




Općina Stari Grad
Sarajevo



INFRASTRUKTURA



Općina Stari Grad
Sarajevo





Obnovljen i uređen Trg oslobođenja- Alija Izetbegović - projekat vrijedan 450.000 KM



Centralni gradski trg koji nosi naziv Trg oslobođenja- Alija Izetbegović u potpunosti je obnovljen i ponovo predstavlja jedno od omiljenih okupljališta naših građana, ali i mjesto za održavanje najznačajnijih gradskih događaja na otvorenom. Trg oslobođenja- Alija Izetbegović rekonstruisan je i otvoren u augustu 2022. godine. Trg je popločan novim pločama od prirodnog kamena, izvršeno je uređenje svih zelenih površina kao i spomen-bista koje se nalaze na njima, uređen je centralni dio sa novim kamenim oblogama, te postavljene nove klupe. Građani su dobili i novu šahovsku tablu na trgu koja je oduvijek bila omiljeno mjesto okupljanja i zabave starijih generacija. Nakon brojnih poteškoća nastalih tokom izvođenja ovog projekta usljed potrebe za njegovim prilagođavanjem i izmjenama, općinski načelnik mr Ibrahim Hadžibajrić sa saradnicima i uz punu podršku vijećnika Općinskog vijeća Stari Grad Sarajevo uložili su maksimalne napore da se projekat dovede do kraja i da trg dobije izgled dostojan imena koje nosi, ali i svoje bogate historije.




Općina Stari Grad
Sarajevo



Rekonstrukcija vodovodne i kanalizacione mreže

Uloženo: 2.470.000 KM




Veliki Alifakovac

U ulicama Veliki Alifakovac, Maguda i Megara – projekat vrijedan 1.400.000 KM

Asfaltiranjem ulica Veliki Alifakovac, Maguda i Megara, okončan je veliki projekat rekonstrukcije vodovodne i kanalizacione mreže u ovim ulicama koji je započet u 2021. a završen u 2022. godini. Radilo se o veoma kompleksnom i velikom projektu na Alifakovcu koji je uključivao rekonstrukciju i polaganje novih cijevi za vodovodnu mrežu, te oborinsku i fekalnu kanalizaciju kroz četiri ulice, na dužini od skoro 500 metara. Projekat se odvijao u četiri faze. Prva faza radova izvodila se od Inat kuće do raskrsnice kod pekare Alifakovac, druga faza bila je od pekare Alifakovac do raskrsnice sa Franjevačkom ulicom, treća faza od Franjevačke ulice do Magude i četvrta faza izvodila se od Magude do raskrsnice Megara - Mehmeda Mujezinovića. Prvo je urađena rekonstrukcija separatne kanalizacione mreže, a zatim i rekonstrukcija vodovodne mreže.



Općina Stari Grad
Sarajevo







Rekonstrukcija kanalizacione mreže na Hladivodama - projekat vrijedan 600.000 KM

Na Hladivodama je uvedena nova kanalizaciona mreže za 30-ak domaćinstava ulica Baruthana i Hladivode kako bi se riješio njihov dugogodišnji problem. Riječ o velikom, te finansijski i tehnički zahtjevnom projektu, vrijednom 600.000 KM, koji je trajno riješio probleme stanovnika ovih ulica. Na dionici od ulice Baruthana br. 71 do ulice Hladivode br. 70, položeno je oko 380 metara cijevi za novu kanalizaciju i 380 metara za oborinsku odvodnju.



Općina Stari Grad
Sarajevo






Nova kanalizacija u ulici Mačkareva – projekat vrijedan 300.000 KM

Stanovnici ulice Mačkareva na Vratniku imali su dugogodišnji problem zbog čestih kvarova i izljevanja kanalizacije u ovoj ulici. Urađena je rekonstrukcija kanalizacione mreže na dužini od 180 metara. Na trasi je izgrađeno 8 uličnih šahtova, svi fekalni priključci su rekonstruisani, a svi oluci priključeni na oborinski kanal. Projekat je koštao 300.000 KM. Na proljeće slijedi asfaltiranje dionice.



Općina Stari Grad
Sarajevo






Rekonstrukcija kanalizacione mreže u ulici Arapova

U ulici Arapova, 25 domaćinstava dobilo je novu kanalizacionu mrežu. Postojeća kanalizaciona mreža je bila neadekvatnog profila i nije imala odgovarajući kapacitet, te je bila opterećena u kišnim periodima godine većim količinama vode i tokom obilnijih padavina dolazilo je do izlivanja kanalizacije na saobraćajnicu i prema objektima. Radovi su se izvodili od raskrsnice sa ulicom Mejlijina. Ugrađeno je 120 metara cijevi za fekalnu kanalizaciju i 120 metara za oborinsku. Vrijednost ovog projekta je bila oko 190.000 KM.



Općina Stari Grad
Sarajevo







Zamjena instalacija, izgradnja puta i potpornih zidova u ulici Ramića banja – projekat vrijedan 170.000 KM

Građani ulice Ramića banja na Sedreniku dobili su nove priključke za vodu i put za siguran prilaz do svojih kuća. Postavljene su nove vodovodne cijevi i urađeni vodovodni priključci za sva domaćinstva, te izgrađeni potporni zidovi s obje strane puta i izvršeno asfaltiranje dionice u dužini od 120 metara. Podzemne instalacije su sada mnogo bolje, a građani više ne strahuju od obrušavanja puta na njihove kuće. Projekat rekonstrukcije vodovodne mreže, izgradnje potpornih zidova s obje strane puta i asfaltiranja dionice koštao je 170.000 KM, a finansiran je iz budžeta Općine Stari Grad Sarajevo.




Općina Stari Grad
Sarajevo



Sanacija i asfaltiranje ulica - Uloženo: 3.000.000 KM

U 2022. godini u 29 ulica u Starom Gradu izvođeni su radovi na sanaciji i asfaltiranju. U nekim ulicama u zavisnosti od oštećenja rađeni su samo dijelovi ulica, a neke ulice su sanirane kompletnom dužinom. Za ove radove izdvojeno je više od 3 miliona KM.





Sanacija dijela ulice Baruthana – projekat vrijedan 600.000 KM

Veliki infrastrukturni projekat sanacije ulice Baruthana, u najvećoj starogradskoj mjesnoj zajednici Moščanica okončan je krajem decembra, 2022. godine. Ulica je sanirana u dužini od 900 metara, na dijelu od broja 62 (od kombi stanice Hladvode) do ulice Faletići broj 1 (raskrsnica kod bivše kasarne Faletići). Ulica Baruthana prolazi kroz centralni dio naselja i izuzetno je važna putna komunikacija. Njom saobraća i javni gradski prevoz, te je koristi veliki broj učenika obližnje OŠ "Vrhbosna". U prethodnim godinama rađene su sanacije ostalih dijelova ulice, a ove godine je općinski načelnik Ibrahim Hadžibajrić u svoj program rada uvrstio centralnu dionicu dužine 900 metara. Radovi u ovoj ulici koštali su oko 600.000 KM.



Općina Stari Grad
Sarajevo







Sanacija Apelove ceste – projekat vrijedan 400.000 KM

U septembru 2022. godine je počela sanacija Apelove ceste – puta koji se nalazi na obroncima planine Trebević i predstavlja vezu zaštićenog područja Trebević i gradske jezgre. Radovi su zaustavljeni do proljeća i početka građevinske sezone zbog uvođenja kanalizacione mreže koju je radila Gradska uprava Sarajevo. Radi se dionica duga 900 metara. Direkcija za puteve Ministarstva saobraćaja Kantona Sarajevo za radove je izdvojila 400.000 KM, a Općina Stari Grad je osigurala projektnu dokumentaciju i provela izbor izvođača radova, te obezbijedila dodatnih 34.000 KM za radove.



Općina Stari Grad
Sarajevo






Sanacija ulice Streljačka – projekat vrijedan 270.000 KM

Na Mošćanici je realizovan veliki projekat sanacije 900 metara ulice Streljačka. Općinski načelnik mr. Ibrahim Hadžibajrić, svjestan činjenice da je građanima padinskih dijelova Starog Grada kvalitetna putna infrastruktura apsolutni prioritet, pokrenuo je veliki projekat sanacije 900 metara ulice Streljačka u kojoj je smješteno oko 70 domaćinstava. Projekat je koštao 230.000 KM. Pored toga, asfaltiran je i dio ulice Streljačka koji spaja Mošćanicu i Sedrenik. Ovaj lokalni put je s godinama bio uništen i do njegove sanacije koristili su ga samo pješaci. Sanirana je dionica dužine 147 metara i prosječne širine 3 metra. Radovi su koštali oko 40.000 KM.



Općina Stari Grad
Sarajevo






Sanacija ulice Gornje Biosko – projekat vrijedan 170.000 KM

U naselju Gornje Biosko saniran je lokalni put dužine skoro 2 kilometra. Naselje broji pedesetak domaćinstava, a ovim projektom građani su dobili puno bolju putnu infrastrukturu. Radovi su se izvodili u tri faze, od čega su dvije faze dio projekta "Podijeljene općine" koji implementira Vijeće Evrope u saradnji sa Općinom Stari Grad Sarajevo. Treća faza radova je bila dio zajedničkog projekta Općine Stari Grad Sarajevo i Opštine Istočni Stari Grad. Ukupno su svi radovi koštali oko 174.000 KM.



Općina Stari Grad
Sarajevo






Sanacija ulice Bostarići – projekat vrijedan 150.000 KM

Ulica Bostarići bila je oštećena brojnim prokopima, lošim podzemnim instalacijama, ispucalim asfaltom i rupama. Poseban problem predstavljala je konfiguracija terena jer je izrazito strm i nepristupačan, pa se na nekim dijelovima moralo raditi i ručno. Ulica je sanirana u dužini od 500 metara. Vrijednost investicije iznosila je 150.000 KM.



Općina Stari Grad
Sarajevo






Proširenje ulice Faletići – projekat vrijedan 130.000 KM

Na ovoj lokaciji, najveći problem predstavljale su saobraćajne gužve i kolaps koji nastaje kada se obavljaju dženaze na obližnjem mezarju. Načelnik Hadžibajrić naložio je nadležnoj službi da hitno poduzme korake na rješavanju ovog pitanja, te je izvršeno proširivanje i asfaltiranje dijela ulice Faletići, od raskrsnice sa ulicom Baruthana do ukrštanja ulica Donje Biosko i Faletići. Dionica koja je sanirana je duga 400 metara, a proširivanjem se postiglo da je sada njena širina 4,60 metara. Projekat je vrijedan 130.000 KM i finansiran je iz budžeta Općine Stari Grad Sarajevo.



Općina Stari Grad
Sarajevo






Sanacija ulice Iza gaja – projekat vrijedan 125.000 KM

Ulica Iza gaja jedna je od najdužih i najfrekventnijih u ovom naselju i u prethodnim godinama rađene su njene sanacije u fazama. Prošle godine sanirana je dionica duga oko 400 metara gdje se, pored ostalog, na jednom dijelu urađen i novi šaht i po prvi put ugrađeni slivnici jer su se građani žalili na zadržavanje oborinskih voda koje je na ovaj način riješeno. Projekat je finansiran iz budžeta Općine Stari Grad Sarajevo i vrijedan je oko 125.000 KM.



Općina Stari Grad
Sarajevo






Sanacija ulice Kamenica – projekat vrijedan 105.000 KM

Urađena je sanacija i asfaltiranje ulice Kamenica od broja 1 do broja 49. Radilo se o dionici dugoj oko 320 metara, na kojoj su se radovi izvodili u dvije faze: prva faza od broja 10 do broja 49 i druga faza od broja 1 do broja 10. Vrijednost projekta bila je oko 105.000 KM. Ulica Kamenica je lokalna saobraćajnica najprometnija na Mahmutovcu jer povezuje veliki broj ulica i sokaka, sa stotinama domaćinstava. Ranije su rađene djelimične sanacije, ali ovo je prvi put nakon dvadesetak godina da se pristupilo kompletnoj sanaciji kako bi se poboljšala putna komunikacija građanima u više ulica.



Općina Stari Grad
Sarajevo






Sanacija ulice Pehlivanuša – projekat vrijedan 100.000 KM

Ulica Pehlivanuša, koja se nalazi u centralnom dijelu Starog Grada i pruža se od ulice Mula Mustafe Bašeskije, u blizini Katedrale, sanirana je u dijelu od tramvajskih šina do stepeništa iznad Muzičke akademije. Projekat je bio vrijedan oko 100.000 KM i finansiran je iz budžeta Općine Stari Grad Sarajevo. Ova ulica predstavlja vrlo značajnu saobraćajnicu jer se nalazi u najužoj jezgri i svakodnevno njome saobraća veliki broj vozila.



Općina Stari Grad
Sarajevo




Sanacija dijela ulice Safvet-bega Bašagića – projekat vrijedan 81.000 KM

Projekat sanacije dijela ulice Safvet-bega Bašagića, dionica iznad raskrsnica ulice Alije Nametka i Safvet-bega Bašagića do broja 161, završen je krajem aprila i time je zaokružen projekat sanacije najprometnije i najduže ulice u Starom Gradu. Ulica je sanirana u dužini od oko 280 metara čime je osigurana mnogo bolja saobraćajna infrastruktura. Projekat sanacije ovog dijela ulice je koštao oko 81.000 KM i finansiran je u cjelosti iz budžeta Općine Stari Grad Sarajevo za 2022. godinu.



Općina Stari Grad
Sarajevo








Sanacija ulice Čadordžina – projekat vrijedan 80.000 KM

Ulica Čadordžina je veoma prometna saobraćajnica koja povezuje više sporednih ulica i sokaka, te je njena sanacija od velikog značaja za sve učesnike u saobraćaju. Saniran je glavni pravac dužine 128 metara i jedan krak dužine 30 metara, zamijenjeni su dotrajali ivičnjaci, urađeno preslagivanje postojećih, te nivelacija šahtova i na kraju asfaltiranje. Projekat je finansiran iz budžeta Općine Stari Grad Sarajevo, iznosom od 80.000 KM.



Općina Stari Grad
Sarajevo






Sanacija ulice Evlije Čelebije – projekat vrijedan 72.000 KM

Urađena je sanacija kompletne ulice Evlije Čelebije na Kovačima, u dužini od 215 metara koja sada pruža mnogo bolje uslove za odvijanje saobraćaja, ali i svakodnevni život stanovnika ovog naselja. Pored centralnog dijela, saniran je i krak ove ulice u dužini od 23 metra. U ulici je smješteno oko 40 domaćinstava, kojima je bilo neophodno osigurati uslove za normalno odvijanje života. Projekat je koštao oko 72.000 KM i finansiran je iz budžeta Općine.



Općina Stari Grad
Sarajevo







Sanacija dijelova ulica Pogledine i Dolovi – projekat vrijedan 61.000 KM

Na području mjesne zajednice Hrid-Jarčedoli uspješno je završen projekat sanacije dijelova ulica Pogledine i Dolovi, koje se nalaze ispod padina Trebevića, a u kojima je smješteno oko 50 domaćinstava. Projekat je realizovan zahvaljujući dobroj koordinaciji općinskog načelnika mr. Ibrahima Hadžibajrića i mještana ovih ulica, kojima je sanacija značajna za svakodnevni život i lakši pristup kućama. Riječ je o vrlo frekventnim ulicama, koje nisu pružale uslove za sigurno odvijanje saobraćaja, te je projektom izvršeno proširenje na određenim dionicama. Za sanaciju dijelova ulica Pogledine i Dolovi iz budžeta Općine izdvojeno je oko 61.000 KM.



Općina Stari Grad
Sarajevo






Sanacija krakova ulice Hadžijska ravan – projekat vrijedan 53.200 KM

U mjesnoj zajednici Moščanica realizovan je projekat sanacije krakova ulice Hadžijska ravan vrijedan 53.200 KM. Sanirana su i asfaltirana tri kraka ulice, od broja 9 do broja 33. U ulici Hadžijska ravan uklonjen je dotrajali asfalt i izvršena sanacija odvodnje, ugradnjom plastične kanalizacione cijevi dužine 30 metara, izgradnjom kanala za odvodnju i tri slivne rešetke. Ovi radovi izvedeni su u prvom kraku, dužine 85 metara koji je potom asfaltiran. Drugi krak bio je makadamski, dužine je 30 metara. .



Općina Stari Grad
Sarajevo






Sanacija ulice Garaplina – projekat vrijedan 53.000 KM

Projekat je pokrenut na inicijativu općinskog načelnika mr. Ibrahima Hadžibajrića s ciljem poboljšanja infrastrukturnih uslova, prvenstveno građanima starije dobi i djece, ali i ostalih stanovnika koji svakodnevno koriste ovu ulicu kao put do svojih domova. Sanacija saobraćajnice izvodila se od broja 1 - na spoju sa ulicom Hrvatina, do broja 19. Rekonstrukcija je podrazumijevala skidanje starog asfalta i tampona, postavljanje novog tampona, izdizanje šahtova i šibera uz nivelaciju radi pravilne odvodnje, te asfaltiranje ulice. Projekat je finansiran iz budžeta Općine Stari Grad Sarajevo, a koštao je 53.000 KM.



Općina Stari Grad
Sarajevo






Višegradska kapija

Sanacija dijelova ulica Abdesthana i Piruša – projekat vrijedan 34.000 KM

Prva ulica u kojoj su se izvodili radovi od početka 2022. godine je Abdesthana na Kovačima. Ulica Abdesthana sanirana je od broja 25 do broja 33 u dužini od 60 metara, a ulica Piruša od broja 1 do broja 11, dužine 76 metara. Projekat je koštao oko 34.000 KM, a izvođač radova je bila građevinska firma 'OXA'. U obje ulice urađeno je uklanjanje oštećene asfaltne površine, djelimično uklanjanje ivičnjaka i ugradnja novih, tamponiranje i asfaltiranje.

Sanacija kraka ulice Višegradska kapija – projekat vrijedan: 31.000 KM

Kako bi se olakšao pristup kućama za desetak domaćinstava dijela ulice Višegradska kapija od broja 35 do broja 41 i osigurali bolji uslovi, izvršena je sanacija i asfaltiranje oko 115 metara sporednog kraka ove ulice. Za sanaciju kraka ulice Višegradska kapija iz budžeta Općine Stari Grad Sarajevo izdvojeno je 31.000 KM.





Pastrma

Sanacija ulica Pastrma – projekat vrijedan 30.500 KM



Ulica Pastrma, u naselju Toka, sanirana je i asfaltirana u dužini od 120 metara. Radovi su koštali oko 30.500 konvertibilnih maraka, a finansirani su iz budžeta Općine Stari Grad. Ulica Pastrma bila je kaldrmisana i betonirana i služila je samo za pješački saobraćaj. S obzirom na to da je riječ o veoma prometnoj ulici, građani su tražili njeno asfaltiranje kako bi bio moguć i prolaz manjih putničkih vozila.

Sanacija ulice Brajkovac – projekat vrijedan: 30.000 KM

Stanovnici dijela ulice Brajkovac, koja se nalazi na samim padinama Trebevića u blizini entitetske granice i mezarja Hambina carina, dobili su bolji i sigurniji prilaz svojim domovima, tako što je riješen dugogodišnji problem oborinske odvodnje i asfaltirana ulica. Problem je riješen tako što je izvršena ugradnja nove kanalizacione cijevi dužine 70 metara, kao i linijske rešetke za prikupljanje vode prilikom padavina, te ugrađen novi šaht. Nakon ovih radova kompletna dionica od 70 metara je asfaltirana. Projekat je finansirala Općina Stari Grad sa oko 30.000 KM.




**Općina Stari Grad
Sarajevo**





Sanacija krakova ulica Iza gaja i Džeka – projekat vrijedan 30.000 KM

Stanovnici dijelova ulica Iza gaja i Džeka dobili su mnogo bolji i sigurniji prilaz svojim domovima. Stanovnici nekoliko domaćinstava kraka ulice Iza gaja do svojih kuća su godinama dolazili makadamskim putem. Za pomoć su se obratili načelniku mr. Ibrahimu Hadžibajriću koji je uvrstio sanaciju dijela ulice u ovogodišnji plan i program rada. Sanirana su i dva kraka ulice Džeka. Prvi krak od broja 11 do ambulante koji je bio u veoma lošem stanju asfaltiran je u dužini od oko 25 metara. Također, saniran je i još jedan krak iste ulice Džeka, od broja 13 do broja 17, u dužini od 36 metara. Za sve tri investicije iz budžeta Općine izdvojeno je oko 30.000 KM.



Sanacija dijela ulice Bistrik – projekat vrijedan 27.300 KM


Dvadesetak domaćinstava ulice Bistrik, od broja 78 do broja 98, imaju mnogo kvalitetniju putnu infrastrukturu, nakon asfaltiranja dijela ulice dužine oko 100 metara. Ovaj dio ulice nalazi se u mjesnoj zajednici Toka – Džeka, a građen je novi tampon, teren nivelisan zbog pravilne odvodnje, izrađene bankine i na kraju je dionica asfaltirana u dužini od oko 100 metara. Projekat asfaltiranja dijela ulice Bistrik sa oko 27.300 KM finansirala je Općina Stari Grad Sarajevo.

Sanacija ulice Edhema Mulabdića – projekat vrijedan 26.000 KM

Ulica Edhema Mulabdića koja se nalazi u centralnom dijelu Općine Stari Grad i pripada mjesnoj zajednici Bašćaršija, sanirana je i asfaltirana u dužini od 112 metara. Saobraćajnica koja spaja ulice Mula Mustafe Bašeskije i Josipa Štadlera sada pruža znatno bolje uslove i lakšu putnu komunikaciju. Općina Stari Grad Sarajevo finansirala je radove sanacije na dužini od 42 metra ove ulice i završeni su prethodnog vikenda. Radovi na dionici dugoj 42 metra finansirani su iz budžeta Općine Stari Grad Sarajevo, iznosom od 26.000 KM.



Bosna Mulabdić





Nova Baruthana

Sanacija dijela ulice Nova Baruthana – projekat vrijedan 21.000 KM

Saniran je dio ulice Nova Baruthana od broja 14 do broja 24. Riječ je o makadamskom kraku ulice, gdje je postavljen asfalt na dužini od oko 60 metara. Radovi su koštali oko 21.000 KM.

Sanacija dijelova ulice Save Skarića – projekat vrijedan 19.000 KM



Asfaltirani su i dijelovi ulice Save Skarića, veoma značajne dionice za veliki broj građana naselja Mjedenica. Saniran je dio ove ulice od broja 2 do broja 4 u dužini od 80 metara, te na dijelu iznad stepeništa na spoju ulica Save Skarića i Hadžiabdinica u dužini od 20 metara. Radovi u ovoj ulici koštali su oko 19.000 KM.

Sanacija ulice 10. brdska brigada – vrijednost projekta: 15.000 KM

Na dijelu ulice 10. brdske brigade urađena je sanacija ovog lokalnog puta, dužine 25 metara, a koji se nalazi na Toka - Džeki. Radovi u ovoj ulici koštali su oko 15.000 KM.



**Općina Stari Grad
Sarajevo**





Skendera Kulenovića

Sanacija ulice Skendera Kulenovića - vrijednost projekta: 7.300 KM

Urađena je i sanacija makadamskog dijela ulice Skendera Kulenovića u dužini od oko 35 metara.

Sanacija makadamskog puta Hladivode – vrijednost projekta: 6.000 KM



Na Mošćanici u ulici Hladivde de od broja 110 do broja 161 urađena je sanacija dotrajalog makadamskog puta. Urađeno je ravnanje i tamponiranje terena. Radovi su koštali 6.000 KM.

Sanacija dijela ulice Krka – vrijednost projekta: 10.000 KM

U mjesnoj zajednici Toka - Džeka urađena je sanacija kraka ulice Krka u dužini od oko 36 metara. Vrijednost investicije je 10.000 KM.



**Općina Stari Grad
Sarajevo**






Sanacija udarnih rupa u starogradskim ulicama – projekat vrijedan 100.000 KM

U okviru redovnog održavanja lokalnih i nekategorisanih cesta na području Starog Grada, Općina Stari Grad Sarajevo je finansirala sanaciju oštećenih kolovoznih površina i krpjenje udarnih rupa u brojnim ulicama na području svih šesnaest (16) starogradskih mjesnih zajednica. Vrijednost radova je 100.000 KM

Zimsko održavanje ulica – vrijednost projekta: 110.600 KM

Općina Stari Grad je u 2022. godini obezbijedila 110.600 konvertibilnih maraka za zimsko održavanje ulica.



Obnova kaldrma - Uloženo: 163.300 KM

Kako bi se sačuvale od propadanja i zadržao prepoznatljiv izgled ulica i mahala u najstarijoj gradskoj općini nastavlja se rad na uređenju kaldrma. Obnova kaldrma u 2022. godini izvršena je u više naselja i to: na Vratniku, Bistriku, Mjedenici, Babića bašči i Medresi. Sanirano je sedam kaldrmi u pet naselja, a vrijednost projekata je oko 163.300 KM.




Vratnik mehdan – projekat vrijedan 74.000 KM

Na Vratniku, u ulici Vratnik mehdan, urađen je veliki projekat sanacije kaldrme s obje strane ulice. Radovi su izvedeni na dijelu ulice Vratnik mehdan od broja 56 do broja 68 u dužini od 61 metar, te na dijelu od broja 73 do broja 79, u dužini od 40 metara. Vrijednost radova sanacije kaldrme, finansiranih iz budžeta Općine Stari Grad Sarajevo, iznosila je 74.000 KM.



Općina Stari Grad
Sarajevo







Bistrič gornja čikma - projekat vrijedan: 25.000 KM

Kaldrmisano stepenište u ulici Bistrič gornja čikma je krak ulice i jedina putna komunikacija za građane koji žive u toj ulici, te je važnost ovog projekta za stanovnike izuzetno velika. Kompletan projekat uključivao je novu odvodnju za oborinske vode, kao i ugradnju slivnika, linijskih rešetki, te priključaka novoizgrađene oborinske kanalizacije na postojeću. Nakon tih radova urađeno je postavljanje nove kaldrme na dionici dužine oko 35 metara. Projekat je finansiran iz budžeta Općine Stari Grad iznosom oko 25.000 KM.



Općina Stari Grad
Sarajevo







Save Skarića - projekat vrijedan: **18.000 KM**

U ulici Save Skarića završena je sanacija dijela kaldrme u dužini od oko 25 metara. Kaldrmisano stepenište u ulici Save Skarića povezuje ulicu Mjedenica sa ulicom Hamdije Kreševljakovića i mostom Drvenija, te je vrlo važna pješačka komunikacija za veliki broj građana naselja Mjedenica. Pored sanacije gazišta, u sklopu projekta uradila se i oborinska odvodnja. Investicija je finansirana iz budžeta Općine Stari Grad iznosom oko 18.000 KM.



Općina Stari Grad
Sarajevo







Mehmedagina – Projekat vrijedan: 18.000 KM

Građevinski radovi na sanaciji kaldrmisanog stepeništa, te zamjeni dijela komunalne infrastrukture u ulici Mehmedagina na Vratniku su okončani krajem jula 2022. godine. Riječ je o veoma uskom kaldrmisanom stepeništu i važnoj putnoj komunikaciji za nekoliko domaćinstava. Radovi u ovoj ulici podrazumijevali su rekonstrukciju kompletnog gazišta dužine 38 metara i prosječne širine od 1,6 do 2,0 metara koje je bilo dotrajalo i u lošem stanju, te zamjenu dijela komunalne infrastrukture koja je podrazumijevala izradu oborinske odvodnje. Za projekat je osigurano oko 18.000 KM.



Općina Stari Grad
Sarajevo





Čeljigovići

Fojnička – projekat vrijedan: 15.000 KM

U ulici Fojnička kod broja 14, sanirana je kaldrma u dužini od 21 metar i prosječne širine 2,6 metara. Projekat je uključivao i izradu novih kanala za oborinsku odvodnju, kao i ugradnju željezne ograde. Riječ je o setepeništu koje je izuzetno važna putna komunikacija u ovom naselju i koriste ga brojni građani, a bilo je u loše stanju i sanacija bila neophodna. Općina Stari Grad ove radove finansirala je iznosom od oko 15.000 KM.

Čeljigovići - projekat vrijedan: 7.000 KM


U ulici Čeljigovići, na području mjesne zajednice Babića bašča, od broja 22 do broja 45, izvršena je sanacija kaldrmisanog stepeništa koje je bilo u lošem stanju i predstavljalo opasnost prilikom kretanja prolaznika. Radovi su uključivali sanaciju stepeništa ukupne dužine 12 metara i prosječne širine 1,8 metara. Vrijednost ovih radova, finansiranih iz budžeta Općine Stari Grad Sarajevo, iznosi 7.000 KM.

Bistrik – projekat vrijedan: 6.300 KM

Na Bistriku je početkom augusta 2022. godine urađena sanacija kaldrme između ulica Bistrik i Bistrik potok, u dužini od 17 metara i prosječne širine 2 metra. Radove je finansirala Općina Stari Grad Sarajevo sa 6.300 KM.



**Općina Stari Grad
Sarajevo**



Izgradnja potpornih konstrukcija - Uloženo: 120.000 KM





Stabilizacija terena u padinskim dijelovima Starog Grada je projekat koji se kontinuirano izvodi svake godine, te je i u 2022. izgrađen veliki broj potpornih zidova: u ulici Kamenica na Mahmutovcu, u ulici Bostarići na Širokači, u ulici Kačanik mali broj 26, u ulici Sedrenik do broja 274, u ulici Trčivode sanirana su dva potporna zida - preko puta brojeva 13 i 15 i preko puta brojeva 5 i 7, u ulici Boguševac broj 2, Ispod oraha kod OŠ "Hamdija Kreševljaković", Baruthana broj 93, Bostarići, Mjedenica i Muje Hrnjice.

Općina Stari Grad



Općina Stari Grad
Sarajevo



Ostali projekti




Novi pokrov na Višegradskoj kapi-kuli – vrijednost projekta: 20.000 KM

Općina Stari Grad finansirala je i realizovala projekat zamjene oštećenog pokrova na Višegradskoj kapi-kuli. Dijelovi šindre koji su se obrušavali sa krova, posebno prilikom kiše ili vjetra, predstavljali su stalnu opasnost za stanovnike obližnjih kuća, ali i saobraćaj, te kretanje pješaka i vozila. Stara, oštećena šindra i letve su uklonjeni, nakon čega je ugrađen novi pokrov. Općina Stari Grad Sarajevo je za zamjenu pokrova na Višegradskoj kapi-kuli iz budžeta izdvojila 20.000 KM.



Općina Stari Grad
Sarajevo






Horizontalna i vertikalna signalizacija – vrijednost projekta: 27.000 KM

Izvršena je nabavka i postavljanje nove, kao i zamjena oštećene saobraćajne signalizacije u više ulica, a u cilju povećanja sigurnosti u odvijanju saobraćaja i kretanju pješaka.

Nabrojat ćemo samo neke od lokacija gdje je postavljena nova saobraćajna signalizacija: Sedrenik, Brdovita, Sedrenik, Barice, Čavljak, Obhodža, Baruthana, Zmajevac, Grličića brdo, Jaroslava Černija, Jarčedoli, Močila, Hošin brijeg, Potoklinica, Jekovac, Mustafe Dovadžije, Safvet-bega Bašagića, Mihrivode, Komatin, Obhodža, Hladivode sokak, Škaljin sokak, Hadžijska ravan, Kovači itd. Vrijednost izvedenih radova iznosi oko 27.000 KM.



Općina Stari Grad
Sarajevo





Zaštitne i odbojne ograde, rukohvati - vrijednost projekta: 27.000 KM


U 2022. godini je izgrađen veliki broj zaštitnih ograda/rukohvata, a za te radove izdvojeno je oko 27.000 KM.

Izgradnja/dogradnja i sanacija javne rasvjete - vrijednost projekta: 14.600 KM

Urađena je nabvaka opreme i materijala za priključenje postojećeg dijela javne rasvjete na lokalitetu Lapišnice sa izradom prateće tehničke dokumentacije. Za sve ove radove izdvojeno je oko 14.600 KM.



**Općina Stari Grad
Sarajevo**







Aleja ambasadora – vrijednost projekta: 34.400 KM

Za izradu i ugradnju 11 kamenih ploča sa imenima ambasadora, nabavku lipa, te izradu betonskog zida za lipe izdvojeno je 34.400 KM. Prošle godine lipe su zasadili sljedeći ambasadori i rukovodioci međunarodnih organizacija u BiH; Teresa Lizaranzu (Kraljevina Španija), Osamah Dakhel Alahmadi (Kraljevina Saudijska Arabija), Yasser Ali Sorour (Arapska Republika Egipat), Steliana Nedera (Misija UNDP-a u BiH), Daniel Hunn (Švicarska Konfederacija), Michael Murphy (Sjedinjene Američke Države), Julian Reilly (Ujedinjeno Kraljevstvo Velike Britanije i SI), Reza Ghelichkhan (Islamska Republika Iran), Valeri Ivanov Yotov (Republika Bugarska), Ahmed Benghali (Država Libija), Thomas Fitschen (Savezna Republika Njemačka) i Aleksandar Đorđević (Republika Srbija).



Općina Stari Grad
Sarajevo






Uređenje javnih površina i sanacija šetnica - vrijednost projekta: 20.000 KM

U prošloj godini urađena je sanacija velikog broja javnih površina i šetnica. Nabrojat ćemo neke od njih: košenje dionice lokalnog puta od restorana Vidikovac (raskrsnica ulica Zmajevac-Streljačka-Sedrenik) prema Višegradskoj kapiji (desna strana puta) u dužini od 700 metara, te uređenje zelene površine u sklopu projekta rekonstrukcije Trga oslobođenja – Alija Izetbegović. Pored toga, urađena je i nabavka 17 parkovskih klupa koje su postavljene na Trg oslobođenja - Alija Izetbegović. Ovi radovi koštali su oko 20.000 KM.



Općina Stari Grad
Sarajevo



Podrška vjerskim institucijama - Uloženo: 80.000 KM





Sanacija dvorišta Stare pravoslavne crkve

Početkom 2022. godine načelnik Hadžibajrić i starješina crkve Velimir Divljanović potpisali su Ugovor o namjenskom grantu, kojim je Općina Stari Grad za sanaciju dvorišta izdvojila 15.000 KM. Kaldrma na prednjem ulazu u crkvu bila je veoma oštećena. Kretanje vjernika i posjetilaca crkve bilo je izuzetno otežano i na momente opasno i zbog toga je sanirana kaldrma. Dio sredstava usmjeren je i na sanaciju stepeništa koje je također sanirano.



Općina Stari Grad
Sarajevo





Buzadži hadžijska zajednica

Obnova Buzadži hadži Jahjine džamije, džamije SAGR hadži Alije, Mišćine džamije i Čokadži Hadži Sulejmanove džamije



Za projekte Medžlisa Islamske zajednice u Sarajevu 2022. godine je iz budžeta izdvojeno 53.000 KM. Izdvojeno je 40.000 KM za projekat obnove krovne konstrukcije i munare Buzadži hadži Jahjine džamije, ali i sredstva za obnovu mekteba džamije SAGR hadži Alije na Hridu (3.000 KM), za nabavku novih ćilima u Mišćinoj džamiji (5.000 KM), te za rekonstrukciju krova Čokadži Hadži Sulejmanove džamije (Jedileri) (5.000 KM).

Podrška Jevrejskoj zajednici u BiH

Općina Stari Grad Sarajevo pružila je veliku podršku otvaranju prvog Centra za istraživanje historije Jevreja Bosne i Hercegovine u ulici Ferhadija. Pored toga što su im ustupljene općinske prostorije za otvaranje centra, Općina Stari Grad finansirala je sa 10.000 KM rekonstrukciju prostorije u kojoj je smještena biblioteka i prostor za mikrofilmovanje i digitalizaciju. Centar je otvoren u septembru prošle godine.



**Općina Stari Grad
Sarajevo**







Podrška Caritasu Vrhbosanske nadbiskupije

Caritasu Vrhbosanske nadbiskupije donirano je 30 paketa za pomoć njihovim korisnicima koji su u stanju socijalni potrebe. Caritas Vrhbosanske nadbiskupije svakodnevno sprema obroke za oko 150 korisnika o kojima vode brigu, a za 110 porodica u Sarajevu svaki mjesec osiguravaju porodične pakete. Brinu se i o beskućnicima kojih je u njihovoj evidenciji 15 i koji redovno dolaze po svoj obrok. Većina korisnika njihove javne kuhinje ne mogu sami doći po obrok, pa im Caritas hranu vozi na kućne adrese. Kako im je vozilo za dostavu obroka u lošem stanju, Općina Stari Grad Sarajevo donirat će Caritasu vozilo Lada Niva za ove potrebe. Procedura je u toku.



Općina Stari Grad
Sarajevo



Podrška poljoprivrednicima i stočarima – Uloženo: 230.000 KM




Plastenička proizvodnja

Uz podršku Općine Stari Grad Sarajevo, 2022. godine plasteničkom proizvodnjom počelo se baviti još 36 poljoprivrednika. Odlukom općinskog načelnika mr. Ibrahima Hadžibajrića, njima su osigurani plastenici veličine 50m², prateća oprema koja uključuje i sistem navodnjavanja, te sadni materijal. U toku 2022. godine na području Starog Grada korisnicima je isporučeno i montirano 36 plastenika sa pratećom opremom za što je iz budžeta Općine Stari Grad izdvojeno oko 95.436,90 KM. Pored toga, urađena je i rekonstrukcija 7 plastenika, te izdvojeno oko 6.000 KM.



Općina Stari Grad
Sarajevo






Sadni materijal

Dodijeljeno je i više od 11.000 komada sadnica paradajza i skoro 9.000 sadnica paprike. Ovaj sadni materijal dodijeljen je kako novim, tako i ranijim korisnicima plastenika u Starom Gradu. Osim toga, poljoprivrednicima je prošle godine isporučeno oko 3.500 kg sjemenskog krompira i 200 kg sjemenskog luka. Za ovu namjenu izdvojeno je oko 21.300 KM.

Pčelarska, stočarska, voćarska i gljivarska proizvodnja

Na osnovu pismenih zahtjeva poljoprivrednih proizvođača Općina Stari Grad Sarajevo je putem Službe za privredu za pčelarsku opremu (28 pčelara), za nabavku stočne hrane (33 proizvođača koji se bave stočarstvom), za uzgoj gljiva (1 proizvođač) i za nabavku voćarske opreme (1 voćar) ukupno je izdvojila 72.700 KM.







Nabavka mehanizacije


Kako bi se stanovnici Općine Stari Grad Sarajevo podstakli na aktivnije bavljenje poljoprivredom, posebno imajući u vidu sve težu ekonomsku situaciju i veliki broj nezaposlenih, općinski načelnik mr. Ibrahim Hadžibajrić planirao je u svom četverogodišnjem programu rada podršku poljoprivrednicima u vidu nabavke neophodne mehanizacije. Zahvaljujući tom programu, ova podsticajna mjera provodi se u Općini Stari Grad Sarajevo već dvije godine, a uslovi su propisani Pravilnikom o utvrđivanju uslova i postupka za ostvarivanje prava učešća građana na podsticajna sredstva za razvoj poljoprivredne proizvodnje na području općine Stari Grad Sarajevo. Pomoć za nabavku mehanizacije 2022. godine dobilo je 14 poljoprivrednika, u ukupnom iznosu oko 33.000 KM.



**Općina Stari Grad
Sarajevo**



Podrška učenicima i studentima - Ukupno: 320.000 KM



Stipendije za školsku 2021/2022. godinu

Iz budžeta Općine Stari Grad Sarajevo 2022. godine izdvojeno je 300.960 KM za stipendiranje učenika i studenata (ukupno njih 334). Stipendije su dobili učenici i studenti iz boračkih porodica, izuzetno nadareni učenici i studenti, te učenici deficitarnih zanimanja. Načelnik Općine Stari Grad Sarajevo mr. Ibrahim Hadžibajrić potpisao je ugovore sa 154 nadarena učenika i studenta, 180 učenika i studenata iz boračkih porodica, te tri učenika deficitarnih zanimanja koji su tako postali stipendisti Općine Stari Grad u školskoj/akademskoj 2021/2022. godini.



Općina Stari Grad
Sarajevo






Nagrađeno dvanaest studenata – zlatnih i srebrenih znački

Osim stipendijama, rad, trud i zalaganje mladih ljudi iz Starog Grada prepoznati su i na druge načine. Najbolje studentima iz Starog Grada, dobitnicima zlatnih i srebrenih znački Univerziteta u Sarajevu, načelnik Hadžibajrić dodijelio je plakete i novčane nagrade za izuzetne rezultate koje su postigli. Ukupno 12 studenata iz Starog Grada dobilo je priznanja, od toga su dvije zlatne i deset srebrenih znački, a prosjek njihovih ocjena kreće se od 9 do 9,99.



Općina Stari Grad
Sarajevo





Besplatne pozorišne predstave

Projekat 'Čitalačka značka'


S ciljem jačanja i razvijanja obrazovanja i kulture kod mladih, sticanja dodatnog znanja i razvoja zajedničke vizije o domovini i svom identitetu, jeziku, vjeri i kulturi, općinski načelnik mr.Ibrahim Hadžibajrić donio je odluku o finansijskoj podršci projektu "Čitalačka značka" Muftijstva sarajevskog. Ugovor o saradnji na ovom projektu potpisali su načelnik mr Ibrahim Hadžibajrić i Muftija sarajevski prof.dr.Nedžad Grabus. Iz budžeta Općine Stari Grad za podršku ovom projektu bit će izvojeno 10.000 KM.

Besplatne pozorišne predstave za učenike osnovnih škola

Skoro 600 učenika osnovnih škola iz Općine Stari Grad Sarajevo je 2022. godine pogledalo neku od pozorišnih predstava koje su na repertoaru Centra za kulturu i mlade u Jelićevoj ulici. Riječ je o saradnji Općine Stari Grad Sarajevo i Centra za kulturu i mlade, a kako bi se kod najmlađih razvile navike odlaska u pozorište i pozorišne kulture, te zainteresovali za ovu vrstu umjetnosti u najranijoj dobi. Za ovaj projekat iz budžeta Općine Stari Grad Sarajevo izdvojeno je 5.000 KM.



Općina Stari Grad
Sarajevo



Podrška osobama sa poteškoćama u razvoju

Kako bi se stvorili što bolji uslovi integracije osoba i djece sa teškoćama u razvoju u zajednicu, a time postigla i bolja kvaliteta njihovih života, važno je pružiti im podršku u svim sferama života, pa tako i u društvenom djelovanju. Upravo s tim ciljem, Općina Stari Grad Sarajevo predvođena općinskom načelnikom mr Ibrhimom Hadžibajrićem kontinuirano podržava aktivnosti i značajne projekte najranjivijih kategorija našeg društva.

Servis centar 'Dajte nam šansu'

Dodijeljena su finansijska sredstva za sufinansiranje rada Servis centra „Dajte nam šansu“ u iznosu od 10.000 KM. Ovaj Centar djeluje od 2017. godine u prostorijama koje im je dodijelila i adaptirala Općina Stari Grad, te okuplja roditelje i djecu sa teškoćama u razvoju.

Zavod Pazarić



Izdvojena su i finansijska sredstva za nabavku novog namještaja za opremanje prostorija Zavoda Pazarić. Sredstva koja su izdvojena iskorištena su za zamjenu dotrajalog namještaja u dnevnom boravku namijenjenom za najmlađe korisnike Zavoda. Na taj način osigurat će im se mnogo bolji uslovi za boravak i rad. Zavod za zbrinjavanje mentalno invalidne djece i omladine Pazarić ima 335 korisnika od čega je 121 korisnik sa područja Kantona Sarajevo, a 27 korisnika sa područja općine Stari Grad.

Sportsko društvo slijepih i slabovidnih KS

Sportsko društvo slijepih i slabovidnih osoba Kantona Sarajevo već 13 godina realizuje projekat „Problem bijelog štapa-inkluzija kroz sport“. Cilj projekta je uključiti mlade u aktivnosti koje mogu provoditi slijepi i slabovidni ljudi i na taj način kod njih probuditi senzibilitet prema ovoj kategoriji. Za ovaj projekat Općina je izdvojila 5.000 KM.



Servis centar 'Dajte nam šansu' i Zavod Pazarić



Pomoć i podrška drugim lokalnim zajednicama

Ukupno: 95.000 KM

Općina Stari Grad Sarajevo prepoznatljiva je u Bosni i Hercegovini, ali i šire, po odličnoj saradnji sa drugim lokalnim zajednicama. Mi smo lideri u takvom povezivanju, ali i pružanju konkretne podrške.

Pomoć Općini Čelić – 50.000 KM

Za štete uzrokovane velikim poplavama koje su zadesile Općinu Čelić u maju 2022. godine, Općina Stari Grad Sarajevo izvojila je 50.000 KM. Općina Stari Grad Sarajevo bila je među prvima koja je priskočila u pomoć ugroženom stanovništvu Čelića.

Pomoć Općini Bužim – 10.000 KM

Za izgradnju Muzeja 505. viteške brigade u Bužimu Općina Stari Grad Sarajevo izdvojila je 10.000 KM. Muzej će podsjećati na sve ratne zasluge ove brigade, njenog čuvenog komandanta, generala Izeta Nanića, kao i sve poginule borce i pripadnike Petog korpusa Armije Bosne i Hercegovine, koji su položili svoje živote braneći našu domovinu. Kamen temeljac za muzej položen je u augustu prošle godine.

Pomoć Goraždu – 25.000 KM



Općina Stari Grad Sarajevo je izdvojila 10.000 KM za sufinansiranje rekonstrukcije lokalnog puta Suhodol-Poratak-Zaimov Do u Goraždu, kao i 15.000 KM za finansiranje izgradnje igrališta Općini Ustikolina – Foča.

Pomoć Žepi – 10.000 KM



Općina Stari Grad Sarajevo izdvojila je za sufinansiranje sanacije puta u selu Čavčići u Žepi 10.000 KM.



Pomoć Općini Bužim



RAD SLUŽBI OPĆINE STARI GRAD SARAJEVO



Služba za opću upravu i inspekcijske poslove

Odsjek za inspekcijske poslove

U Odsjeku za inspekcijske poslove vršili su se kontrolni pregledi i sačinjavanje zapisnika u dvije oblasti i to: komunalni inspektori (696 pregleda i zapisnika) i urbanističko-građevinski inspektori (598 pregleda i zapisnika), dok su cestovni inspektori i komunalni redari sačinili 1.178 službenih zabilješki.

Komunalni inspektori su u okviru svojih nadležnosti, u izvještajnom periodu izvršili 1.195 obilazaka terena, urbanističko-građevinski inspektori 771 teren, cestovni inspektori 282 terena, dok su komunalni redari izvršili 1.618 obilazaka terena.

Na osnovu izvršenih nadzora i utvrđenog stanja doneseno je 495 rješenja:

62 rješenja o rušenju stambenih objekata

59 rješenja o otklanjanju opasnosti

98 rješenja od strane cestovnog inspektora

276 rješenja o uklanjanju sa javnih površina

Odsjek za inspekcijske poslove izdao je 174 prekršajna naloga, te naplatio 296.200 KM.



Izvršeno je uklanjanje ruševnih objekata prinudnim putem (7):

Džeka br. 14, Brdo džamija br. 15, Balibegovica br. 27, Balibegovica br. 41, Timurhanova broj 12 i u ulici Sedrenik br. 194 i Safvet-bega Bašagića broj 107.

U ulici Harbina broj 15 otklonjena je opasnost na dijelu krovišta objekta koji je požarom bio uništen.

Za objekat u ulici Žepa broj 2 doneseno je rješenje o otklanjanju opasnosti krovišta koje je požarom bilo uništeno i za isto je Općina Stari Grad donirala novčana sredstva za sanaciju istog. Na ruševnom objektu u ulici Hendina broj 13 otklanjanje opasnosti je u toku.

U narednom periodu Služba za opću upravu i inspekcijske poslove će provesti postupke za ruševne objekte koji predstavljaju opasnost u ulici Sumbul česma br. 24, Čemerlina br. 19 i Hafiza Ibrahima Trebinjca br. 25,27 i 29.



Odsjek za opću upravu

U toku 2022. godine putem protokola Općine Stari Grad Sarajevo zaprimljeno je ukupno 23.945 zahtjeva i 4.900 predpisa. Usmeno je dato blizu 9.600 informacija, te izdato 14.000 potvrda o zaprimljenim zahtjevima. Putem poštanske službe zaprimljeno je blizu 8.500 koverata, pismene otpreme 5.300, te 17.176 akata i koverata. Skenirano je ukupno 9.000 predmeta, odnosno 85.000 akata. U arhivu je uloženo ukupno 22.200 predmeta. Na revers drugim službama izdato je 2.400 predmeta, a od tog broja izdatih vraćeno je 2.200 predmeta.

Matični ured u izvještajnom periodu odradio je slijedeći broj upisa:

- Matična knjiga rođenih: 414 upisa
- Matična knjiga vjenčanih: 247 upisa
- Matična knjiga umrlih: 574 upisa
- Broj razvoda: 144 presude o razvodu braka nadležnog organa (suda) u BiH i 9 priznanja strane sudske odluke od strane kantonalnog suda u FBiH, a koje su po službenoj dužnosti ili po zahtjevu stranake provedene kroz matičnu knjigu vjenčanih.



Iz matičnih knjiga izdat je slijedeći broj izvoda/obrazaca i uvjerenja:

- Izvoda iz matične knjige rođenih - 23.456
- Uvjerenja o državljanstvu - 13.885
- Izvoda iz matične knjige vjenčanih - 4.087
- Izvoda iz matične knjige umrlih - 3.745
- Uvjerenja iz ostale matične evidencije - 8.245

U 2022. godini obrađeno je ukupno 627 predmeta za ispravku i dopunu podataka u matičnim knjigama, od toga je 608 riješenih, dok je 19 predmeta u obradi. U okviru poslova ovjere prepisa i legalizacije potpisa u izvještajnom periodu izvršeno je: 612.000 ovjera prepisa i 61.200 legalizacija potpisa, a primljeno je blizu 84.000 stranaka.

U kancelariju upravne pomoći obratilo se 2.415 stranaka, a zahtjev za izlazak na teren za legalizaciju potpisa starih i iznemoglih lica zatražilo je 425 lica i po istim je izvršen teren na licu mjesta.

U izvještajnom periodu zaprimljeno je 296 zahtjeva za pristup informacijama od čega je 226 zahtjeva odobreno, 20 odbijeno, 50 zahtjeva je riješeno u vidu obavijesti i zaključka, a 12 zahtjeva je u obradi.



Služba za lokalni razvoj i poslove mjesnih zajednica

U oblasti lokalnog razvoja realizovane su aktivnosti koje se odnose na pripremu projekata za apliciranje prema domaćim i međunarodnim institucijama i ustanovama, kao i samu realizaciju odobrenih projekata. Tako je u periodu od 1. januara do 20. novembra, 2022. godine realizovano ili je u toku niz projekata iz područja zapošljavanja osoba u nepovoljnom položaju, podsticanja privrednika sa Starog Grada, unaprjeđenja uslova za pružanje kvalitetnijih usluga iz zdravstvene i socijalne zaštite, unaprjeđenja komunalne infrastrukture, utopljavanja sanacije klizišta.

Projekti za koje se čeka odabir kod donatora, a koji su podneseni u toku 2022. godine:


Fond za zaštitu okoliša FBiH - Izgradnja separatne kanalizacione mreže u dijelovima ulica Baruthana od broja 71 do ulice Hladivode broj 70 - (Iznos koji se potražuje projektom: 200.000 KM) i Projekat monitoringa kvalitete zraka u Općini Stari Grad Sarajevo kao osnova za donošenje mjera na smanjenju emisija štetnih plinova - (Iznos koji se potražuje projektom: 100.000 KM).

Ministarstvo za ljudska prava i izbjeglice BiH - Rekonstrukcija vodovodne mreže u naselju Hladivode (MZ Moščanica) - (Iznos koji se potražuje projektom: 85.000 KM).

Odjeljenje za poslove mjesnih zajednica

Tokom 2022. godine, sekretari šesnaest mjesnih zajednica primili su 18.612 stranaka.

Uputili su 1.821 dopisa, izašli 3.062 puta na teren, izdali 137 potvrda, 1.218 kućnih listi, 19 odjava i 42 prijave iz mjesnih zajednica. Organizovali su 18 zborova građana, imali 117 sastanka savjeta mjesnih zajednica, te 112 ostalih sastanaka.



Služba za boračko-invalidsku i socijalnu zaštitu

Najznačajniji projekti/aktivnosti realizovani u 2022.godini u Službi za boračko-invalidsku i socijalnu zaštitu Općine Stari Grad Sarajevo su:

- Jednokratne novčane pomoći porodiljama (244 lica) - 87.750 KM
- Sufinansiranje troškova vantjelesne oplodnje (10 parova) - 15.000 KM
- Jednokratna novčana pomoć za oboljele od celijakije (16 lica) - 7.500 KM
- Jednokratna novčana pomoć (540 lica) - 81.100 KM
- Izuzetna novčana pomoć za liječenje (235 lica) - 118.150 KM
- Obezbeđenje ogrjeva (212 domaćinstava) - 170.260 KM
- 1.104 izvršenih uvida u stanje domaćinstva
- Izvršena podjela 200 paketa socijalno ugorženim porodicama

Služba za urbanizam



Služba za urbanizam je u 2022. godini zaprimila 765 predmeta, upravnih postupaka. Broj prenesenih predmeta iz prethodnih godina je 1.444 predmeta, tako da je ukupno u rješavanju bilo 2.209 predmeta.

Upravni postupak je okončan za 995 predmeta, od toga iz prethodnih godina 541, a 454 predmeta iz izvještajnog perioda. Ukupno je izdato 1.061 upravnih akata.

U izvještajnom periodu je zaprimljeno 463 DJL (bijelih košuljica) predmeta u kojim su izdate lokacijske informacije, uvjerenja, razni odgovori, obavijesti ili neki drugi dopisi.

Okončano je 638 takvih predmeta. Urađeno je i sljedeće: u 245 spisa donesen je upravni akt (rješenje ili zaključak), u 384 spisa je poslan poziv za upotpunu zahtjeva ili da se dostavi izjašnjenje, odnosno obavijest ili informacija, u 135 spisa je poslan poziv za upotpunu zahtjeva ili da se dostavi izjašnjenje, u 101 spis poslana je obavijest ili informacija itd.

Prihodi Službe za urbanizam u 2022.godini - po osnovu troškova naplaćene gradske rente ukupno, po osnovu tehničkih prijema objekata, prihodi po osnovu skloništa, prihodi po osnovu reklama, troškovi postupka iznose 628.198.85 KM.



Služba za imovinsko-pravne, geodetske poslove, katastar i stambene poslove

Ova Služba je u toku 2022. godine zaprimila 223 predmeta - upravnih postupaka.

Broj prenesenih predmeta iz prethodnih godina je ukupno 110, tako da je ukupno u rješavanju bilo 333 predmeta.

Upravni postupak je okončan za 262 predmeta, od toga iz prethodnih godina 108, a 154 predmeta iz izvještajnog perioda. U fazi rješavanja ili u fazi isteka žalbenog roka i stavljanja klauzule pravosnažnosti je 71 predmet.

U izvještajnom periodu je zaprimljeno 402 DJL (bijelih košuljica) predmeta u kojim su izdata mišljenja, izjašnjenja, informacije, uvjerenja, obavijesti ili neki drugi dopis. Okončano je 378 takvih predmeta (od toga iz prethodnih godina 119 predmeta).

Ukupno zapečaćenih stambenih jedinica u 2022. godini bilo je 16, dok je riješenih predmeta za otkup stana 6. Urađeno je 28 prijedloga za alternativni smještaj, te zaključeno isto toliko ugovora za korisnike alternativnog smještaja.



U saradnji sa nadležnim Ministarstvom za ljudska prava i izbjeglice BiH, potpisan je Ugovor o saradnji zaključen između Općine Stari Grad Sarajevo i nadležnog Ministarstva, a u cilju realizacije Projekta poboljšanja uslova života Roma na teritoriji Općine Stari Grad Sarajevo, za koji su odobrena sredstva predviđena navedenim Ugovorom. U okviru ovog projekta su realizovane i poduzete aktivnosti na renoviranju stambene jedinice u ulici Prvomajska broj 4/pr., sa predmjerom i predračunom radova.

U cilju realizacije Projekta poboljšanja uslova života Roma na teritoriji Općine Stari Grad Sarajevo, na lokalitetu Moščanica broj 24, a u saradnji sa nadležnim institucijama, su poduzete sve aktivnosti za priključenje električne energije četiri stambene jedinice koje koriste Romske porodice sa velikim brojem članova porodičnog domaćinstva.

Pored toga, Služba je putem Odsjeka za geodetske poslove i katastar je u 2022. godini zadužila ukupno 1.028 upravnih postupaka- predmeta. Ukupno je završeno 996 predmeta-upravnih postupaka, a od toga se za 184 predmet čekaju povratnice. U postupku rješavanja su 32 predmeta. Potpisano i ovjereno iz službene evidencije 5.235 izvoda (kopija katastarskog plana, prepis posjedovnog lista, uvjerenje o posjedovanju nekretnina i sl.). Procenat rješivosti predmeta je 96,8%.

Zaprimljeno je 236 DJL predmeta sa signaturom 06-27 u kojim su izdata uvjerenja o posjedovanju nekretnina, razni dopisi i slično te su isti arhivirani putem pisarnice. Riješeno je 232 predmeta, a 4 predmeta su u rješavanju.

Prihodi Službe (po osnovu usluga katastra, po osnovu troškova naplaćene gradske rente, po osnovu dodijeljenog građevinskog zemljišta, prihodi po osnovu donesenih rješenja za boračku populaciju i koji će biti naplaćeni od Ministarstva za boračka pitanja Kantona Sarajevo, prihodi po osnovu prodaje neizgrađenog građevinskog zemljišta, po osnovu naplate javnih prihoda, po osnovu otkupa stanova i po osnovu zakupa općinskih stanova) iznose 629.303,46 KM.




Služba za privredu


Služba za privredu Općine Stari Grad Sarajevo je za 11 mjeseci 2022. godine ostvarila naplatu po osnovu zakupnina za poslovne prostore u iznosu od 6.862.896,09 KM (100,35% od fakturisanog iznosa).

Poređenja radi, u 2019. godini koja se računa kao parametar naplate imajući u vidu da tokom dvije godine pandemije korona virusa naplata nije bila u realnim granicama, naplata je iznosila 6.386.417,30 KM. Evidentno je da je u odnosu na 2019. godinu, za isti vremenski period, ostvareno povećanje naplate u iznosu od 476.478,79 KM.

UPOREDNI PREGLED FAKTURISANE I NAPLAĆENE ZAKUPNINE SA PROCENTOM NAPLATE ZA 2019. i 2022. godinu (period 01.01. do 30.11.)



Općina Stari Grad
Sarajevo




Služba civilne zaštite

Služba civilne zaštite Općine Stari Grad Sarajevo je kontinuirano obilazila teren, pratila stanje i djelovala preventivno na sprečavanju eventualnih poplava, pojava klizišta i drugog. Pored redovnih aktivnosti na čišćenju i održavanju korita, Općinski štab civilne zaštite Stari Grad donio je zaključak na osnovu kojeg je u septembru 2022. godine realizovana velika akcija čišćenja korita Moščanice, Ramića potoka, Čolinog i Bistričkog potoka, a sve kako bi se spriječilo eventualno plavljenje stambenih, poslovnih i drugih objekta, kao i obradivog i drugog zemljišta u slučaju većih padavina.



U saradnji sa uposlenicima Odjeljenja za održavanje putnih pojaseva vršili su čišćenje slivnih rešetki na lokacijama gdje se za vrijeme padavina utvrdilo da voda teže prolazi zbog nanosa lišća i otpada.

Odjeljenje za održavanje putnih pojaseva kontinuirano je čistilo kritične lokacije u periodu padavina kako bi se spriječila začepjenja i eventualne poplave.

U više navrata Služba civilne zaštite je koordinirala i pokrenula vršenje deratizacije šireg područja Općine Stari Grad Sarajevo, kao i akcije uklanjanja zmija i opasnih pasa lutalica sa ulica.



Općina Stari Grad
Sarajevo



PROJEKTI KOJE SMO PODRŽALI ILI ORGANIZOVALI

Sarajevo Holiday Market se vratio kući - Trg oslobođenja - Alija Izetbegović

Na desetu godišnjicu od njegovog osnivanja, projekat „Sarajevo Holiday market“ vratili smo na Trg oslobođenja - Alija Izetbegović i ponudili mnoštvo zanimljivih sadržaja svim građanima Sarajeva, kao i gostima grada. Projekat uključuje BH Telecom klizalište veličine 300m2, bajkovite kućice i selo Djeda mraza, kao i niz sajamskih kućica u ulici Ferhadija sa bogatom ponudom domaćih proizvoda. Projekat realizuje Općina Stari Grad Sarajevo sa partnerima - Gradom Sarajevo, Turističkom zajednicom Kantona Sarajevo, sponzorom klizališta BH Telecomom, dok su implementatori projekta Udruženje “Zone unaprijeđenog poslovanja Bašçaršija” i Fondacija Sarajevo Navigator. Sajamske kućice će raditi do 15. januara 2023.godine, dok će klizalište biti otvoreno do 05. februara naredne godine u vremenu od 12,00 do 21,00 sat





Prvi Centar za osnaživanje žena oboljelih od raka dojke u BiH

U Starom Gradu bit će otvoren prvi Think Pink Centar – Centar za osnaživanje žena oboljelih od raka dojke i prevenciju ove bolesti koji će biti prva ustanova u Bosni i Hercegovini takve vrste i pružat će usluge ženama iz Kantona Sarajevo, ali i cijele BiH koje su se suočile sa ovom opakom bolešću. S obzirom na to da briga o ženama oboljelim od raka dojke nije sistemski riješena, općinski načelnik Ibrahim Hadžibajrić odlučio da zajedno sa organizacijom Think Pink, koja se bori za bolji tretman oboljelih žena napravi pozitivne iskorake u zaštiti i brizi za zdravlje žena i zajednički pokrenu prvi Centar u Bosni i Hercegovini koji će im pružati sve na jednom mjestu. Općina Stari Grad obezbijedila je prostor za otvaranje Centra koji će se nalaziti u ulici Trg Fra Grga Martića, pored same Katedrale, a svim oboljelim ženama pružat će psihosocijalnu podršku, ali i besplatni smještaj pacijenticama koje su zbog liječenja primorane doći iz drugih kantona i često nemaju gdje prespavati ili sačekati preglede. I u 2022.godini načelnik Hadžibajrić bio je kapiten Tima Općine Stari Grad Sarajevo na utrci Race for the cure za koju je prikupljeno 3.500 KM donacija.



Općina Stari Grad
Sarajevo



Realizovan program “Dobro došli u Stari Grad: Ljeto za pamćenje” na Baščaršiji

Općina Stari Grad Sarajevo u saradnji sa Radio 8 je 29.06.2022. godine, realizovala program iz Otvorenog studija sa Baščaršijskom trgu, pod nazivom “Dobro došli u Stari Grad: Ljeto za pamćenje”. Kroz program koji je trajao tri sata u otvorenom studiju su se smjenjivali brojni muzički gosti: Aldino, Eldin Huseinbegović, Fatmir Sulejmani i brojni drugi koji su svojim nastupima obogatili program i zabavili prisutne na Baščaršijskom trgu, kao i slušatelje koji su program pratili putem Radija 8. Publika na Baščaršijskom trgu, te slušatelji Radija 8 bili su obradovani brojnim poklonima u vidu poklon paketa, vaučera, a uživali su i u brojnim degustacijama raznih proizvoda. Na Baščaršiji se tog dana svim posjetiocima točila kafa iz specijalne Vispakove Ginisove džezve. Program je otvorio općinski načelnik mr. Ibrahim Hadžibajrić.


Realizovan program „U susret Bajramu“ na Baščaršiji

Općina Stari Grad Sarajevo je 08.07.2022. godine realizovala poseban program na Baščaršijskom trgu (ispred Baščaršijske džamije) pod nazivom „U susret Bajramu“.

S ciljem obilježavanja Kurban Bajrama, jednog od najvećih islamskih praznika, općinski načelnik mr. Ibrahim Hadžibajrić donio je odluku da građanima koji su te večeri posjetili Baščaršijski trg omogući prigodan sadržaj uz brojne poklone koje su obezbijedili sponzori ovog programa. Povodom najvećeg muslimanskog praznika, svim mališanima te večeri podijeljeni su bajramluci.

Obilježen Dan državnosti sa korisnicima Restorana dobre volje u Starom Gradu



Povodom 25. novembra, Dana državnosti Bosne i Hercegovine, Općina Stari Grad Sarajevo je sa Udruženjem Pomozi.ba obezbijedila svečani ručak za 230 korisnika Restorana dobre volje u Starom Gradu. Ljubav prema domovini pokazuje se brigom za njene građane, posebno najugroženije kategorije, stoga je ovaj ručak sa korisnicima javne kuhinje postao redovna aktivnost općinskog načelnika Ibrahima Hadžibajrića za Dan državnosti BiH. Povodom praznika svi korisnici su pošašćeni i tortom, te prigodnim poklonima i čestitkom za Dan državnosti.



PLANIRANI PROJEKTI U 2023. GODINI



Općina Stari Grad
Sarajevo





JEDAN OD NAJZNAČAJNIJIH I NAJVEĆIH PROJEKATA U NOVIJOJ HISTORIJI STAROG GRADA

U 2023. godini u Općini Stari Grad Sarajevo početak će realizacija kapitalnih i izuzetno značajnih projekata kako za infrastrukturu ove lokalne samouprave, tako i za rješavanje problema saobraćaja u mirovanju značajnog za cijeli Kanton Sarajevo.

IZGRADNJA BAZENA BENTBAŠA

U Programu rada Općinskog načelnika za period 2020-2024.godina nalazi se i projekat izgradnje Bazena Bentbaša, a aktivnosti na konačnom rješavanju ovog pitanja počele su u oktobru prošle godine. Izgradnja novih bazena počinje u jesen 2023. godine na mjestu postojećih devastiranih bazena koji nisu u funkciji od 2009.godine.

Novo idejno rješenje bazena uključuje dva zatvorena bazena – veći i manji, sa zelenom krovnom površinom, te tri otvorena bazena od kojih je jedan veći i dva manja za djecu. Na mjestu sadašnjih balona za mali fudbal nalaziti će se park i zelene površine, a prostor predviđa i dosta mjesta za ležaljke, sjedenje, odmor, kao i restoran. Zamišljeno je da se uspostavi 'prirodna' povezanost bazena Bentbaša sa javnom podzemnom garažom u ulici Avdage Šahinagića kako bi se riješilo pitanje parking prostora. Od javne garaže do bazena bi se dolazilo stazom, preko postojećeg pješačkog mosta, a do samih bazena bi bio sagrađen još jedan pješački most, tako da bi se izbjeglo kretanje magistralnom cestom. U narednom periodu ubrzano će se raditi na uključivanju svih relevantnih institucija, usaglašavanju stavova i sugestija, te izradi idjenog, a potom i glavnog projekta. Uz finansijsko uključivanje i drugih nivoa vlasti, projekat može početi u jesen 2023.godine.



JAVNA PODZEMNA GARAŽA NA TRGU AUSTRIJE



Općina Stari Grad Sarajevo sagradila je u ulici Avdage Šahinagića prvu javnu podzemnu garažu u Kantonu Sarajevo, koja je sa radom počela u martu 2019.godine. Zauvijek će ostati zabilježeno da je ovaj kapitalni projekat vrijedan više od 7 miliona KM završen za samo 9 mjeseci i odmah po otvaranju počeo ostvarivati profit. Za 11 mjeseci 2022. godine javna podzemna garaža u ulici Avdage Šahinagića ostvarila je profit od 750.000 KM.

Zbog brojnih opstrukcija i uplitanja viših nivoa vlasti, kao i nevladinih organizacija, obustavljena je izgradnja javne podzemne garaže na Trgu oslobođenja-Alija Izetbegović, ali se od nje ni danas nije odustalo i svakako će se naći u budućim strateškim planovima razvoja Općine Stari Grad Sarajevo.

Ali, ono što je u ovom momentu izvjesno je da će se u 2023. godini pristupiti izradi idejnog projekta izgradnje javne podzemne garaže na Bistriku, na Trgu Austrije. U toku 2022. godine već su obavljani preliminarni razgovori sa institucijama koje trebaju biti uključene u realizaciju ovog projekta i načelno dogovorena njegova realizacija. Izradom idejnog projekta, ozbiljno će se pristupiti ovoj temi, a planirano je da garaža ima 3 do 4 podzemne etaže, kao i parking na površini. Na ovakvoj lokaciji, uz najužoj gradskoj jezgri, još jedna javna podzemna garaža bi riješila veliki problem nedostatka parking prostora, a samoj lokalnoj zajednici osigurala redovne prihode, kao i povrat investicije. Više o ovom projektu javnost će znati u prvoj polovini 2023.godine.



**Općina Stari Grad
Sarajevo**



SANIRAT ĆE SE 33 ULICE

U 2023. godini planirana je sanacija i asfaltiranje 33 saobraćajnice: Čeljigovići broj 49-69, Budžak, Bistrik basamaci od broja 9 do spoja sa ulicom Za beglukom, Balibegovica čikma, Dženetića čikma, Pod Hridom od broja 20 do broja 22, Prijepoljčeva, Abdesthana broj 3-13, Okrugla broj 2-52, Paje sokak broj 34-52, Paje broj 31-34 prema ulici Begovac, Grlica, Save Sklarića između brojeva 25 i 27, Hadžijska ravan broj 6-22, Obhodža broj 16-24, Obhodža broj 21-27, Krak Hladivode broj 136-165, Sedrenik kod broja 92, Ablakovina, Žagrići - I faza, Tale Ličanina, Krka kod broja 10 i 12, Sanacija dijela ulice Bistrik od broja 45-79 i nastavak ulice Krka prema ulivnoj građevini Bistričkog potoka, dio ulice Nevjestina, Za Beglukom – plato Širokača, Niže banje, Iza Hrida od O.Š. do ulice

Nalina, Obhodža lipe – dio ulice, Gornje Ćebedžije od broja 22 do broja 26, Jekovac – dio ulice, Trčivode od broja 7 do ulice Hošin brijeg, Braća Morići i Nova Baruthana 31-44.

REKONSTRUKCIJA KOMUNALNE INFRASTRUKTURE

Za rekonstrukciju komunalne infrastrukture u 2023. godini planiran je iznos od 600.000 KM, I to za radove na sljedećim lokacijama:


rekonstrukcija separate kanalizacione mreže u ulici Mačkareva II faza, rekonstrukcija kanalizacione mreže Alije Nametka broj 22-46 i rekonstrukcija vodovodne i kanalizacione mreže u dijelovima ulica Paje, Paje sokak i Begovac.

POPLOČAVANJA I KALDRME

U 2023. godini radit će se popločavanje i kaldrmisanje na 7 lokacija: stepenište Grljića brdo preko puta džamije, kaldrma i stepenište Krka broj 1-5, stepenište Džeka kod broja 17, Mačkareva, Tabijska, Donje Ćebedžije i Hadžijska ravan 33-95.



Općina Stari Grad
Sarajevo



HVALA NA PAŽNJI



Općina Stari Grad
Sarajevo

